

di no; soto sier Zacaria Dolfin con titolo primo balotato, 114, 110 di no; sier Anzolo Trivixan con titolo, 113, 108 di no; sier Lucha Trun, con titolo, 71, 157 di no; sier Marco Dandolo dotor e cavalier, ambassator al Christianissimo re, 83, 140; sier Piero Pasqualigo dotor et cavalier, orator *ut supra*, 21, 204 di no. Sier Domenego Contarini el proveditor zeneral in campo, 60, 148 di no; tolli in tutto numero 19, sier Marin Zorzi dotor, orator a Roma, 56 171 di no. Siché li oratori e il proveditor zeneral fo maltratati, et questo perchè incolpano aversi portato mal in questa tratation à fato il Re con l'orator dil Papa in far questo acordo. Fo fato tre Savii a terra ferma, in luogo di sier Vetor Foscarini, sier Piero Trun et sier Hironimo Zustinian che compieno. Tolli numero 25, sier Zuan Trivixan fo consier, et più non stato di terra ferma, 166, 57; sier Alvise di Prioli, fo savio a terra ferma, qu. sier Piero procurator, 152, 60; sier Marco Minio, fo savio a terra ferma, di sier Borlolinio, 151, 74; soto sier Zuan Badoer dotor, cavalier, fo savio a terra ferma, 116, 107; sier Gasparo Malipiero, fo savio a terra ferma, 106, 115; sier Piero Pasqualigo dotor, cavalier, orator al Christianissimo, 74, 153. Fono tolli ultra tra li qual sier Christofal Capello qu. sier Francesco el cavalier, 17, 200; sier Piero Bernardo qu. sier Hironimo, 15, 209, tutti do hanno titolo di Pregadi per danari, et fono maltratadi il Trivixan e Prioli si hanno fatto tuor, perchè non ponno intrar di zonta per non restar fuora di Pregadi, etc.

Fo tolto la zonta numero . . . tra li qual si dize numero 20 vol dar danari e grossissima da . . . in suso che non pol cazer con grandissimi titoli; et poi più di 50 altri che poleno intrar, la più parte soliti a rimanir di zonta; siché fazendo rimanir questi di danari ne convien cazer molti, et lo nel numero fui nominato.

Di Ferrara, fo letere di 28, in l'orator suo, qual mandò a monstrar a la Signoria. Come a Hostia era stà fato uno ponte. Si divulga spagnoli è per passar e venir a Verona; i qual spagnoli erano alozati a Rubiera apresso Modena; le zente dil Papa a Modena.

90* Fo fato ozi, justa il solito, Cai dil Consejo di X, dil Consejo nuovo che è tutti . . . Vi fu sier Batista Erizo fo al luogo di procuratori, sier Alvise Mozenigo el cavalier fo avogador, et sier Nicolò Bernardo fo consier, tutti tre nuovi. Et Inquisitori sier Hironimo Contarini fo capitano a Padoa, et sier Almorò Donado; siché *solum* do di vechii è in dito Consejo di X, *videlicet* il Contarini e sier Cristofal Moro fo po-

destà a Padoa, qual è rimaso ozi savio dil Consejo, et si farà in suo locho dil Consejo di X.

A di 30. Reduto il Gran Consejo, non vi fu il Principe, et intrati Consieri nuovi sier Hironimo Tiepolo, sier Piero Marzelo et sier Vetor Foscarini; Cai di XL, sier Vincenzo Bembo qu. sier Biaxio, sier Batista Trivisan qu. sier Baldassare, sier Nicolò Marzelo di sier Francesco, et li Cai di X soprascritti. Et lelo la zonta, andono a oferir numero 17, i qual è qui sotoscritti, et fo contà il Cousejo, poi licentati li nominati, numero 1013, et restati a balotar et niun di danari non rimase, ma tutti vechi et primari di la terra et passono in tutto numero 172, e li primi balotati fonno do che imprestò danari e non passono. E visto questo, niun altro di danari passò: fo trovato ducati 9000. Dio voglia questo far cazer non fazi smarir a oferir più, e la terra ha de bisogno de danari. Et voglio scriver questo: ne l'imprestado presente è stà trovà ducati 105 milia, senza quelli 9 milia, et resta *solum* debitori di l'imprestado per ducati 19 milia, come si à visto ozi per polza di Camerlengi di Comun, sottoscritta per sier Zacaria Dolfin e sier Luca Trun cassieri.

*Questi oferseno ozi danari a la Zonta,
avanti il començar a balotar*

Sier Francesco Zane, qu. sier Marco,	
qu. sier Bernardo procurator . . . ducati	500
Sier Francesco Griti fo provedador di	
comun, qu. sier Luca, mandò so'	
fioli »	500
Sier Zacaria Morexini, qu. sier Nicolò,	
oltra i ducati 800 »	200
Sier Alvise da Canal fo provedador	
sora i officii, qu. sier Giacomo, portò	
in oro »	500
Sier Masio Bolani fo a le cazude, qu.	
sier Piero »	500
Sier Polo di Prioli, qu. sier Domenego,	
oltre quello à prestà »	800
Sier Domenego Calbo, qu. sier Marin,	
fo a la custodia di Padoa »	500
Sier Piero Bernardo è di Pregadi, qu.	
sier Hironimo »	1000
Sier Piero Zustignan fo provedador	
sora le camere, qu. sier Marco . . . »	500
Sier Nicolò Malipiero, fo consolo a Da-	
masco, qu. sier Antonio »	600
Sier Francesco Longo fo provedador	
sora la Sanità, qu. sier Francesco . . »	500